

工部則例



工部則例

虞衡清吏司

雜料

一鑄造。原定各處需用銅缸。銅鍋。銅櫃。鼎。鑪。鐵窗。竈門。鐵甑。壽山。福海。及雲牌。更鑼。銅盆等項。給發工料。令匠鑄造。○各衙門工所需用紅銅。生熟黃銅。生熟鋼鐵。咨取到部。轉行戶部給發。○各處需用鍋。杓。火盆。餅罐。鐵絲。鋤刀。鋏。鋤等項。委筆帖式。督令鋪戶。按咨取數目。覈照定價。辦給。○各處需用煤炸。令鋪戶辦買。覈給價值。



○直省藩司鹽政關差。應用法馬。戶部咨取到部。令匠鑄造。交戶部較準給發。○廣東鐵鍋。口徑二尺以上者。由部移文廣東巡撫辦解。交部貯庫。以備各處取用。其口徑二尺以下者。按尺寸大小。覈給價值。市買給發。線沿。板沿。生鐵鍋。口徑三尺五寸以上者。於戶部領鐵鑄造。三尺五寸以下者。遇用。按定價買給。○順治十二年。鑄鐵牌十有三面。設內府十三院衙門。○又鑄鐵斛二十。一存戶部。一發倉場。一發漕運總督。餘頒直省各布政使司。○十三年題準。

乾清宮。應用琉璃瓦料黑鉛。令河南山西辦解。其各宮應用瓦料黑鉛。由部令鋪戶辦買。照時給價。○康熙三年定。錢糧歸并戶部。需用黑鉛。移文戶部支取。○十四年定。舊例。內外各衙門工所。取用等秤。皆行大宛二縣取給。嗣後由部令秤匠造辦。給與定價。○雍正五年。奉

旨。福建總督奏稱。布政使司庫。止有部頒法馬一副。彈兌紛繁。將銅日久。消磨。分數漸輕。以致各屬收解錢糧。輕重不等。請將部法。一樣頒給二副。一副存庫。一副應用。循環繳換。朕思部中所頒法馬。乃輕重合宜。

之式樣。與頒發鐵斛。事同一例。各省布政使司領到。自然照式較準。不失毫釐。置成法馬。日日彈用。並令各屬地方。畫一遵守。其或有出納之際。加重減輕者。皆當嚴察。參處。此乃經常之道。豈有錢糧總漕之布政使司。出入繁多。專以部法一副。日日彈用。以致銅質消磨。輕重失實之理。且部中循環更換。亦不勝其煩。著通行各省。倘有如閩省常用。將銅磨輕。與原頒分兩不符者。即行咨部換給。○八年覆準。徵漕樣斛。各省未能畫一。應將戶部移交鐵斛。較明一律平準。照式鑄造九斛。仍令戶部較準。給發總漕。

轉發各省糧道遵行。○十年奏準。戶部兌收各省錢糧。全憑法馬。若少不較準。不惟外省解項勢難畫一。而戶部庫官。亦得藉以輕重其手。請將庫存經制法馬一副。計五百。三百。二百兩者各一。交與工部。按照省分。依式鑄造正副法馬。共百有二副。移送戶部較準。鐫刻印記。每省頒給正副法馬各一副。令各省督撫轉行藩司。鹽政。關差。委官赴部請領。俟新法頒到。舊法即送部銷燬。

一陶器。順治初年定。正定府曲陽縣。歲徵瓷罈。

折價。并水脚銀。千一百四十兩六錢五分八釐。解部。移送光祿寺。○三年定。河南省歲解本色瓷罈六百。石磨一副。解部備用。○八年題準。外解瓷罈。改折召買。○康熙三年定。錢糧歸并戶部。如遇需用瓷罈等項。由部辦給。○又定。白口缸。鰍沿缸。及地缸。大小瓷盆。如遇各處取用。皆按口徑身高。大小尺寸。覈價買給。

一葦席。竿。繩。舊例。內務府。各部院。寺衙門。并各工所。及外來賓客。需用葦席。竹竿。皆於惜薪廠取用。線麻。檠麻。繩索。均令鋪戶辦給。照時給價。

○雍正元年奏準。

暢春園等處。搭蓋棚座。所需架木。席竿。每歲冬夏。均由內務府咨取。更換拆搭。徒滋往返。嗣後。請將所用席竿架木。均交內務府承管官員。苑丞。自行收貯。拆蓋。以省運費。○五年題準。各工取用葦席。竹竿等件。從前拆卸繳回。並未定有成數。多致溷淆。嗣後。如係天棚。時日既久。新席繳回五成。新竿繳回八成。舊席。舊竿。免其繳回。餘棚。搭蓋不久。新席。新竿。繳回九成。舊席。繳回五成。舊竿。繳回八成。均於完工之日。定限十日內。

繳回惜薪廠。如不按期照數繳回。或將破爛席竿攬入者。該管官報明。將管工官指名題叅。麻繩。在一月以內者。大繩。交回八成。一月以外。每月遞減一斤。紫縛繩。交回七成。連二繩。交回六成。一月以外。遞減二斤。均交收掌所存貯。用至三次者。作麻刀應用。

一木城。順治初年定。凡遇

車駕行幸。由部備運木城。隨營設立。回時。交木倉收貯。○康熙十六年。奉

旨。木城繁重。嗣後止用黃布幔城。網城。施以釘。鍬。樁。柱。

由部備造。遇有需用。武備院。定數咨取。皆以木倉。及庫貯給發。如有不敷。并年久應修。除黃布線麻。顏料。平鐵。行文戶部支取外。榆木。工價。染價。由部覈給。委官督令鋪戶成造。

一駝屨。遇

車駕巡幸。由武備院。上駟院。太僕寺。各衙門。咨部取用。以載供

御器具。及布城。樁。鍬等項。皆備造貯庫。需用時。照數給發。○乾隆十八年議準。嗣後武備院。太僕寺等處。咨取。羶屨。如工料價值。數在二百兩以

外者。不得援照隨壞隨辦之例。委官造備。令該司。將庫貯不敷。必需增辦之處。聲明具奏。或委官。或令該堂官。察驗明確。再行補造。至修補布城。帳房等項。亦均照此辦理。

一車兩。順治四年定。八旗載礮車。所需木料。令山東各府採辦。運赴盛甲廠製造。由部給發工價。○十五年題準。戰車。礮車。由部承辦。其解送人口。及裝載物料。各衙門取用大小車。於兵部車駕司取用。○十六年定。裝載木城車。行山西照式製造。○康熙三年議準。運送

### 盛京

#### 福陵。

昭陵石料。行取直隸。山東。山西。四輪車。各百三十五兩。每車。羸二十頭。每羸一頭。給銀七兩。如有倒斃。每頭。給銀十有五兩。車夫各給銀五兩。免其雜差。草料工食。沿途支給。回日。每車。仍給修理銀十兩。○四年題準。

孝陵裝載石料。需用車。由部給價雇覓。○十年題準。修理八旗礮車。棉簾車。所需木植。行令直隸。山東。採辦。工料由部給發。顏料由戶部領給。○十六

年議準。各工所運送物料。給車八十兩。每車連鞍。屨繩索等項。給銀二兩。車夫月給銀四錢五分。米九斗。馬每匹日給豆六升。草二束。○五十九年覆準。裝送

盛京物料。停止驛車。著雇車載運。每車給銀二十兩。○雍正七年題準。額設各工馬車。止存留十兩。運送木倉。簾子庫物料。餘車均裁。○乾隆十七年議準。官車馬匹。係供木倉。簾子庫。運送物件之用。應照舊存留。應差。其聽事馬二匹。各部院皆無。應一例裁去。繳還馬價。停支草豆。并減

餵馬人役一名。計額存車九兩。馬十有八匹。餵馬人役九名。

一雜料價值。銅器。大馬杓。口徑一尺。重一斤。銀三錢三分。小馬杓。口徑五六寸。重八兩。銀一錢六分五釐。紅銅鍋。係鐵口耳環。每斤。銀二錢三分。紅銅銚子。每斤。銀三錢三分。銅滑車。鉈鑪。每斤。銀二錢七分。大小銅法馬。每斤。銀二錢七分。銅鎖。重一斤。每把。銀四錢。重十兩。銀二錢五分。重六兩。銀一錢五分。燭剪。每把。重二兩。銀五分。燭罐。每箇。重六兩。銀一錢五分。匙。長一尺。重四



兩。每箇銀一錢。炙硯重一斤三兩。每箇銀四錢。  
角硯。每箇重四兩。銀一錢。紅銅帽頂。重六錢。每  
箇銀一分八釐。畫皮槍帽銅托圓。徑六寸六分。  
每箇銀六分。銅火筋。長七寸。每副銀五分。打造  
熟銅器。四。銅本。工料。每斤銀三錢八分。鑄造銅  
器。淨銅百斤。連工料。銀二十五兩六錢九釐。紅  
黃銅絲。每斤銀三錢八分。紅黃銅葉。每斤銀二  
錢三分。銅飾件。每斤銀二錢三分。小釘。每百箇  
銀一錢一分七釐。生銅。每斤銀一錢八分。熟銅。  
每斤銀二錢三分。白銅。每斤銀一兩四錢。色不

足者。按成遞減。○鐵器。轉沿鍋。口徑三尺四寸。  
每口。銀二兩二錢九分五釐。口徑三尺。銀二兩  
二分五釐。口徑二尺四寸。銀一兩六錢二分。口  
徑二尺。銀一兩三錢五分。大西鐵鍋。口徑三尺  
五寸。銀一兩二錢二分五釐。口徑三尺。銀一兩  
五分。口徑二尺五寸。銀八錢七分五釐。大廣鍋。  
口徑二尺。每口。銀一兩五錢。小廣鍋。口徑一尺  
七寸。每口。銀六錢。淮潞鍋。口徑二尺四寸。每口。  
銀六錢五分。大無錫鍋。口徑二尺三寸。每口。銀  
八錢。小無錫鍋。口徑一尺二三寸。銀二錢五分。

小鐵鍋。口徑一尺二三寸。每口。銀三錢一分五釐。大鐵杓。口徑一尺。銀二錢八分。小杓。口徑六七寸。銀一錢一分七釐。大鐵馬杓。口徑八寸。重一斤。銀一錢一分。二號鐵馬杓。口徑五六寸。銀八分。小馬杓。口徑三四寸。銀一分五釐。大鐵火盆。重四十斤。每箇。銀九錢。重二十二斤。每箇。銀四錢九分五釐。小鐵火盆。重十斤。每箇。銀二錢二分五釐。生鐵鑄。重一斤。銀三分六釐。熟鐵釘。鑿等項。每斤。銀四分五釐。鐵火鑷子。長一尺。銀四分。火筋。長八寸。每副。銀三分。裁刀。長一尺三

寸。寬一尺。銀四錢。彎刀。長尺四寸。寬二寸五分。銀一錢八分。頭號笊籬。徑一尺一寸。每把。銀二錢二分。二號。徑九寸。銀一錢五分。三號。徑七寸。銀一錢二分。大鑿刀。長三尺。每副。銀一兩二錢。小鑿刀。長二尺五寸。每副。銀七錢七分。金捶。重一斤四兩。每把。銀一錢。金鉗。每斤。銀二分。大斧。每把。重一斤。銀一錢八釐。小斧。每把。重十兩。銀七分二釐。大鐵提鑪。長尺五寸。高七寸。寬九寸。每箇。銀六錢。長一尺。高六寸。寬七寸。銀四錢五分。鐵炙硯。重一斤六兩。銀一錢五分。重一斤。銀一錢。庫

刀。菜刀。各重一斤。均銀一錢。羊毛剪子。每把。重  
十二兩。銀二錢。燭剪。每把。長四寸。銀三分。鑷刀。  
每把。重十二兩。銀七分。鐵閘。每箇。重二斤四  
兩。銀二錢七分。鐵鎖。長四寸。銀八分。長三寸。銀  
六分。二寸。銀二分。八釐。三毫。五絲。方鎖。長三寸  
二分。銀四分。雙絲。每箇。高尺四寸。徑尺二寸。每  
箇。銀四錢五分。高八寸。徑五寸。每箇。銀一錢八  
分。單絲。大。每箇。銀二錢五分。小。每箇。銀七  
分。大。摺疊。鐵絲。每箇。銀一兩八錢。烏  
槍。鐵砂。每斤。銀一錢四分。水鑪。每箇。重七兩。銀

四分五釐。鍋鏟。每把。重六兩。銀二分。二號。鐵  
每塊。銀六釐。小。鐵通條。每根。重十兩。銀二分七  
釐。鈎叉。每把。重一斤八兩。銀九分。鋼剪。每把。銀  
二錢。生鐵。方。每斤。銀五分。頭號。鐵。每把。銀一  
錢三分五釐。二號。銀一錢。三號。銀七分。頭號。鐵  
每把。銀八分。二號。銀七分。三號。銀六分。檐網  
絲。每斤。銀一錢二分。黃米條。鐵絲。每斤。銀一錢  
菜豆條。鐵絲。每斤。銀七分。油條。鐵絲。每斤。銀九  
分。八釐。黃豆條。鐵絲。每斤。銀七分。二釐。鐵花絲。

每斤。銀二錢四分。頭號。雨點釘。每百。銀二分五釐。二號。每百。銀一分五釐。三毫。小雨點釘。每百。銀一分二釐。象鼻棗核釘。每斤。銀二分九釐。磨菇釘。每斤。銀四分五釐。泡子釘。每百。銀五分四釐。銼磨亮釘。每百。銀一錢五分三釐。大鐵鋸。每箇。銀一錢八分。小鐵鋸。銀一錢四分四釐。徑二寸。鐵圈鋸。全。每副。銀一分三釐五毫。鐵門葉。每張。銀三分五釐。鎖葉。每斤。銀三分八釐。鋼鈴。徑五分。銀六釐三毫。鋼銼。長一尺。寬八分。每把。銀八分。長五寸。寬四分。每把。銀四分。火鈎。重十

兩。每把。銀三分六釐。大鐵鈎頭。重二斤八兩。每把。銀六分七釐。五毫。鐵條。長三尺。徑五分。每根。銀一錢七分。鐵索。長一尺。重一斤。每條。銀四分五釐。長五尺。每條。銀一錢二分。漏杓。徑四寸。每把。銀七分二釐。小鏟。重三兩。每把。銀九釐。鐵錘。重八兩。每把。銀二分七釐。鐵鉗。重一斤十四兩。每把。銀二錢。鐵滑車。徑二寸。每副。銀二分五釐。挫白鐵料。每斤。銀七分。鐵砧子。每箇。重五斤八兩。銀一錢三分五釐。鋼鑿子。每把。重六兩。銀六分三釐。鑿子。每箇。重八兩。銀九分。鐵拍子。每箇。

銀四分五釐。鐵馬蹄。每副。銀一錢八釐五毫。馬蹄鋼刀。重三斤。每把。銀六錢三分。有鞘小刀。長八寸。每把。銀二錢七分。鐵犁。鐵鐮。各重三斤。每箇。銀九分。鐵剪子。每把。銀四分五釐。鐵鍊。每斤。銀五分。生鐵。每斤。銀四釐。熟鐵。每斤。銀二分七釐。平常熟鐵。每斤。銀二分二釐五毫。打造鐵料。每百斤。工料銀。四兩五錢。鑄造鐵器。如檐鈴。壽山福海。細小物件。每百斤。工料銀。二兩。如二百斤以上。鐵鼎。鐵鍋。並鐵缸。插櫺。檻框。每百斤。工料銀。三兩五錢。○高錫。每斤。銀二錢。碗錫。每斤。

銀一錢八分。中等粗錫器。每斤。銀一錢四分五釐。細錫器。每斤。銀一錢八分。黑鉛。每斤。銀七分五釐。鑄造鉛子。每百斤。工料銀。九兩二錢五分七釐。鑄造鉛礮子。每百斤。工料銀。八兩六錢二分七釐。九毫。三絲。四忽。七微。煤炸。每斤。銀二釐八毫。○瓷器。大白口缸。高三尺一寸。口徑二尺八九寸。銀。一兩五錢。大缸。高二尺八寸。口徑二尺五寸。銀九錢。二號缸。口徑一尺八九寸。銀。五錢四分。小缸。口徑一尺二三寸。銀。二錢七分。綠瓷盆。口徑二尺。每箇。銀四錢五分。大瓷盆。

口徑一尺八九寸。銀一錢六分二釐。二號盆。口  
徑一尺四五寸。銀一錢。小盆。口徑一尺。銀四分。  
花瓷盆。徑七寸。銀七分。種花瓦盆。每箇。高徑各  
一尺二寸。銀九分。大瓷罈。高三尺五寸。圍圓七  
尺。口面九寸。銀七兩。小瓷罈。高一尺九寸。圍圓  
四尺。口面六寸。銀三兩。高一尺五寸。中徑一尺。  
每箇。銀三錢。有蓋瓷罈。高一尺三寸。每箇。銀二  
錢七分。砂罈。每箇。銀一錢六分。瓷花餅。高一尺。  
每對。銀六錢。粗瓷餅。高六寸。每箇。銀五分四釐。  
花瓷罐。高二尺。徑九寸。每箇。銀九錢。高一尺五

寸。每箇。銀三錢一分五釐。小花瓷罐。高尺三寸。  
每箇。銀二錢七分。有耳瓷罐。每箇。銀五分四釐。  
化銅罐。每箇。徑二寸八分。高三寸七分。銀五分  
二釐。砂鍋。每套。計五箇。銀一錢。大砂鍋。徑八寸。  
銀二分五釐。砂銚。徑四寸。每箇。銀一分三釐。○  
網城。每塊。線麻重一斤十兩。結網工銀九分。釘  
繩。每條。重一斤八兩。腰繩。每條。重二斤。榆木椿  
長二尺四寸。徑一寸八分。每箇。銀四分四釐九  
毫。○駱駝氈。每副三塊。直氈。長六尺。寬二尺。  
彎氈。長六尺五寸。寬二尺。計四層。每副。銀二兩

九錢。稻草屨。每副二塊。銀九分。樺木板鞍。每副銀七錢二分。楊木板鞍。每副銀四錢九分五釐。榆木鞍架。長四尺。每副銀二錢五分。○十兩天平架子。銅盤。鐵梁。鐵索全。每架銀三兩。百兩天平架子。銅盤。銅梁。銅索全。每架銀一兩六錢。百斤。至五百斤大秤。每桿銀八錢。十斤。至五十斤小秤。每桿銀二錢五分。小盤秤。每桿銀一錢五分。等子。五十兩。至百兩。每把銀五錢。十兩。至三十兩。每把銀一錢八分。杉木斛。連鐵料。每箇銀九錢。斗。每箇銀三錢六分九釐。升。每箇銀一錢

八釐。星。每箇銀九分九釐九毫。算盤。每面銀一錢八分。裝千兩木鞘。鐵箍。鐵錫全。每箇銀三錢七分五釐。○竹。席。葦箔。苗竹。長二丈四尺。徑四寸。每根銀三錢。薰竹竿。長二丈。至二丈五尺。徑一寸五六分。每根銀四分。筭竹。長二丈。徑寸二分。每根銀八分一釐。細竹竿。每根徑三分。銀一分五釐。岡竹。每根銀一錢五分。細紫竹。每根銀一錢。黃古竹。每根銀八分一釐。實心竹。每根銀七分。玉竹。每根銀一錢七分。花竿竹。徑五分。長丈三尺。每根銀一分九釐。有枝青竹。每根銀一

錢。風阻竹。長二丈。徑一寸二分。每根。銀六分五釐。薰竹槁。丈七尺。每根。銀二錢。薰竿。長丈三尺。徑一寸八分。每根。銀五分。小旗竿。長八尺。徑七分。每根。銀三分。葦席。長九尺五寸。至一丈。寬五尺。每領。銀八分。長七尺五寸。至八尺。寬四尺。每領。銀六分。葦箔。長一丈。寬五尺。每塊。銀五分。長一丈。寬七尺。每塊。銀七分。合紋細席。長寬一丈。每領。銀六錢。雙紋粗席。長寬一丈。每領。銀三錢六分。炕席。長二丈五尺六寸。寬五尺七寸。每領。銀四錢八分。南細竹席。見方六尺五寸。每

領。銀一兩三錢。竹席。長六尺。寬四尺。每領。銀四錢。仔兒箔。見方一丈。銀三錢八分。○麻繩。線麻。每斤。銀六分。線麻繩。每斤。銀七分。細線麻繩。每斤。銀一錢六分。蒜麻。每斤。銀一分六釐。二毫。蒜麻大繩。紮縛繩。每斤。銀二分一釐。六毫。蒜麻連二繩。每斤。銀二分二釐。五毫。麻刀。每斤。銀一分五釐。紅。黃。線麻繩。每斤。銀八分。紅。黃。蒜麻連二繩。每斤。銀二分七釐。紮縛繩。每斤。銀二分六釐。繩絡。每箇。銀三分六釐。麻經。每斤。銀一分八釐。麻搭。每把。銀三分六釐。紅。黃。錢貫。每斤。銀五分。



苧麻。每斤。銀一錢四分五釐八毫。苧麻線。每斤。銀五錢。烏槍火繩。長二丈。每條。銀一分八釐。細梭繩。每斤。銀一錢二分。毛纆繩。長四丈。每根。銀二錢五分。○席。竿繩。運價。文席。二百五十領一車。八尺席。三百領一車。竹竿。五百根一車。葦箔。二百塊一車。繩。千三百斤一車。京城內。每車。給制錢二百。出城十里內。給制錢三百。十里外。照每里銀二分例算給。

